



La maison de l'assemblée Quaker en 1864

L'ostal coacre a Congeniès - Los coacres e la tradicion non-conformista de l'Occitània

Tre la debuta del sègle XVII, Congeniès e los vilatges del encontrada recampèron una comunitat d'òmes e de femnas pacifistas localament désignats del nom de "Conflaires" (Inspirats). Abaliguèron de fedas e de manhans, congreant de lana e de seda dins la Vaunaja, aquesta fertila valada ensolelhada entre Nimes e Montpelhièr, que se foguèt sonat "lo pichòt Canaan".

Pendent la revolucion americana de 1775-1783, la monarquia britanica conorta los vaissèls anglèsses d'agarrir totas las naus francesas que podriguèron trobar, perque França sosteniá la causa dels colons d'America. Un coacre britanic, Josèp Fòx (sens ligam de parentat amb Jòrdi Fòx) foguèt co-proprietari de tres naviris. Sens l'assabentar, sos sòcis equipèron aquestes bastiments e s'enriquiguèron en los barant coma corsaris contra los naviris franceses.

Quand apprenguèt de l'afar, Fòx foguèt consternat. En 1785, faguèt publicar una anòncia dins la Gasete de França, ont expliquèt que los Coacres aprovavan pas la piratariá. L'anòncia descriguèt en detalh las costumats e cresenças de la Societat religiosa dels Amics e s'acabèt per un apèl convidant totas las victimas de sos tres bastiments a se far conéisser, per fin de recebre reparacion pels actes comeses.

La Gasete de França foguèt legida a Congeniès, e cinc personas demest los "Inspirats" escriguèron a Josèp Fòx. Dins lor letra, expliquèron qu'avián res a reclamar concernissent los naviris, mas qu'èran impressionats pels principis coacres (que i aderissián d'a fons) e que lo desirissián encontrar. Mandèron puèi Joan de Marsilhac visitar d'Amics a Londres. En 1788, fondèron la premièra Amassada coacressa de França.

L'ostal d'amassada de Congeniès foguèt bastida en 1822, amb l'ajuda de fons balhats pels Amics anglès et americans. L'Amassada comptèt fins 200 a familhas nombrosas, sus una granda region, tot lo manne del sègle XIX. Puèi declinèt, aprèp la partença de sos jovents, totes pacifistas, forçats de s'exilar per defugir lo servici militar obligatòri.

Lo darrièr culte s'es tengut en 1905. L'ostal foguèt vendut puèi, en 1907. foguèt utilizat de mai d'un biais a la debuta del sègle XX, abans d'èsser sonat « vila Coacra » e convertida en residéncia privada pels Coacres, retirats del consulat britanic a Marseilha. En seguida, vendut dos còps de mai, mas totjorn a de Coacres, l'ostal foguèt comprat en 2003 per l'Amassada annadièra de França. L'Ostal Coacre dobriguèt tornarmai sas portas en 2004 per de reunions de reculhiment, de retiradas, de talhièrs, de grops de discucion.

Los Coacres en França als sègles XX eXXI

Despuèi sas originas ruralas vièlhas de 200 ans, lo moviment coacre s'es reviscolat en França sus una basa mai internacionala, s'orientant cap lo servici e l'accion per la patz.

1919: Lo Centre internacional de París se poguèt edificar gràcia als Amics provenent de l'Anglatèrra e de los Estats-Units. – lo nombre dels Amis s'enaucèt progressivament.

1933: França dispausa d'una Amassada annadièra independenta. Los Amics locals òbran amb de coacres alemands per organizar de secorses e distribuir de fons als refugiats alemands.

1937: Los Amics franceses respondon a un apèl los convidants per venir en ajuda a de enfants refugiats espanhòls. Un camp de refugiats foguèt mes en plaça entierament pels Amics franceses.

1939-1945: De Coacres de França tota, amb los de París, venon en ajuda a de refugiats jusieus. En tant qu'opausants a la guèrra, trabalhèron dins las infirmariás e las cosinas o coma baiardièrs. Lo comandament alemand acceptèt que portèssen secorses als presonièrs de la preson de Bordèu. Gilbert lo Savi se vegèt atribuir puèi, la medalha de la justícia per Israèl, per aver salvat de jusieus pendent la guèrra, d'enfants mai que mai.

A l'ora d'ara, los Coacres de França sostenon d'iniciativas per la patz, s'implican dins lo desenvolopament de la non-violéncia e fan campanha contra lo comèrci de las armas.

Per ne saber mai suls Coacres en França, visitatz lo siti oèb del [Centre Coacre de París](#).